



前漢書卷二十七中之上

漢 蘭

臺

令

史 班 固 撰

唐 正 議 大 夫 行 秘 書 少 監 琅 邪 縣 開 國 子 顏 師 古 注

五行志第七中之上

經曰羞用五事五事一曰貌二曰言三曰視四曰聽五曰思貌曰恭言曰從視曰明聽曰聰思曰睿

通也古文作睿恭作肅從作艾師古曰艾讀曰父又治也其下亦同明作慈聰作謀應劭曰上聰則下謀故聰爲謀也睿作聖張晏曰睿達以至於聖休徵康

曰善行曰肅時雨若應劭曰居上而敬則雨順之艾時陽若應劭曰君政治則陽順之慈時奧若應劭曰慈明也師古曰奧謀時寒

若聖時風若師古曰凡言時者皆謂行得其道則寒暑風雨以時應而順之咎徵師古曰言惡行之驗曰狂恒雨若僭恒陽若應劭曰僭差僭舒恒奧若急

恒寒若霧恒風若服虔曰霧音人備霧應劭曰人君設霧鄙吝則風不順之也師古曰凡言恆者謂所行者失道則寒暑風雨不時而恆久爲災也霧音莫豆反備設並音構又音寇

傳曰貌之不恭是謂不肅厥咎狂厥罰恆雨厥極惡時則有服妖時則有龜孽師古曰孽音魚時則有雞列反其下並同時則有雞

旤師古曰旤與禍同時則有下體生上之病韋昭曰若牛之足反出背上下欲伐上之禍也師古曰病音阿時則有青眚青祥李奇曰內曰祥唯金

沴木服虔曰沴害也如漬曰沴音拂戾之戾義亦同說曰凡草木之類謂之妖妖猶天胎言尙微師古曰天音鳥老反蟲豸之類謂之孽古

曰有足謂之蟲無足謂之孽孽則牙孽矣及六畜謂之旤言其著也及人謂之病病病貌言寤深也甚則異物生謂之

皆自外來謂之祥祥猶禎也氣相傷謂之沴沴猶臨莅不利意也每一事云時則以絕之言非必俱至或

有或亡或在前或在後也孝武時夏侯始昌通五經善推五行傳以傳族子夏侯勝下及許商皆以教所

賢弟子其傳與劉向同唯劉歆傳獨異貌之不恭是謂不肅肅敬也內曰恭外曰敬人君行己體貌不恭

怠慢驕蹇則不能敬萬事失在狂易故其咎狂也師古曰狂易謂狂而易其常性上慢下暴則陰氣勝故其罰常雨也水

傷百穀衣食不足則姦軌並作故其極惡也一曰民多被刑或形貌醜惡亦是也風俗狂慢變節易度則

爲烈輕奇怪之服師古曰謂音匹妙反故有服妖水類動故有龜孽如酒曰河魚大上以爲魚孽之比於易巽爲雞雞有冠距文武

之貌不爲威儀貌氣毀故有雞鹵一曰水歲雞多死及爲怪亦是也上失威儀則下有彊臣害君上者故

有下體生於上之痢木色青故有青眚青祥凡貌傷者病木氣木氣病則金沴之衝氣相通也於易震在

東方爲春爲木也兌在西方爲秋爲金也離在南方爲夏爲火也坎在北方爲冬爲水也春與秋日夜分

寒暑平是以金木之氣易以相變故貌傷則致秋陰常雨言傷則致春陽常旱也至於冬夏日夜相反寒

暑殊絕水火之氣不得相併故視傷常與聽傷常寒者其氣然也逆之其極曰惡順之其福曰攸好德孟

日政不順則致妖順則致福也劉歆貌傳曰有鱗蟲之孽羊羝鼻痾說以爲於天文東方辰爲龍星故爲

鱗蟲於易兌爲羊木爲金所病故致羊羝與常雨同應此說非是春與秋氣陰陽相敵木病金盛故能相

井唯此一事耳。猷與妖癘祥皆同類，不得獨異。史記師古曰：此志凡稱史記者皆謂司馬遷所撰也。成公十六年公會諸侯于周

單襄公見晉厲公視遠步高師古曰：單襄公周卿士。單子朝也。晉厲公景公之子也。名州蒲。單音善。告公曰：晉將有亂，魯侯曰：敢問天道也。

抑人故也。對曰：吾非瞽史師古曰：瞽，樂太師。史，太史。焉知天道？吾見晉君之容，殆必禍者也。夫君子目以定體，足以從

之。師古曰：體定則目安。足之進退皆無違也。是以觀其容而知其心矣。目以處誼，足以步目。師古曰：視瞻得其宜，行步中其節也。晉侯視遠而足

高，目不在體而足不步，目其心必異矣。目體不相從，何以能久？夫合諸侯民之大事也。於是虜觀存亡，故

國將無咎。其君在會，步言視聽必皆無譴，則可以知德矣。師古曰：譴，責也。無譴謂得其義理無可咎責也。視遠曰絕，其誼足高曰

棄，其德言爽曰反，其信師古曰：爽，差也。聽淫曰離，其名師古曰：淫，邪也。夫目以處誼，足以踐德。師古曰：踐，履也。口以庇信

師古曰：庇，覆也。言行相覆則爲信矣。耳以聽名者也。故不可不慎。偏喪有咎。師古曰：苟喪其一則有咎。既喪則國從之。師古曰：既喪則國亦亡。

晉侯爽二吾是以云。張晏曰：視遠一也，步高二也。後二年，晉人殺厲公。凡此屬皆貌不恭之咎。云左氏傳桓公十三年

楚屈瑕伐羅，鬬伯比送之。師古曰：屈瑕，即莫驪也。鬬伯比，楚大夫。羅國名在南郡枝江西。還謂其馭曰：莫驪必敗。師古曰：莫驪，楚官名。舉也。字或作敫。其音同。舉

止，高心不固矣。師古曰：止，足也。遽見楚子以告。師古曰：遽，速也。楚子使賴人追之，弗及。莫驪行遂無次，且不設備。師古曰：無次，不

爲次也。及羅，羅人軍之大敗。莫驪縊死。釐公十一年，周使內史過賜晉惠公命。師古曰：內史，過周大夫。晉惠公夷吾也。諸侯即位天子則

賜命主以爲瑞。受玉，憤師古曰：不敬其事也。過歸告王曰：晉侯其無後乎？王賜之命而憤於受瑞，先自棄也已。其何繼之有？

乾隆四年校刊 前漢書卷二十七中之上五行志

禮國之幹也敬禮之與也

師古曰無禮則國不立故謂之幹無敬則禮不行故比之於幹

不敬則禮不行禮不行則上下昏何以長世二

十一年晉惠公卒子懷公立晉人殺之更立文公成公十三年晉侯使卻錡乞師于魯將事不敬

師古曰卻錡晉

大夫駒伯也乞師欲以伐秦也

孟獻子曰卻氏其亡厚

師古曰孟獻子仲孫蔑也

禮身之幹也敬身之基也

師古曰無

立不敬則

卻子無基且先君之嗣卿也受命以求師將社稷是衛而情棄君命也不亡何為十七年卻氏

亡成公十三年諸侯朝王遂從劉康公伐秦成肅公受賑于社不敬

服虔曰賑祭社之肉也盛以蠶器故謂之賑師古曰劉康公成肅公皆周

大夫也賑讀與蠶同以出師而祭社謂之宜賑者即宜社之肉也蠶大蛤也音上忍反

劉子曰吾聞之曰民受天地之中以生所謂命也

師古曰劉

也中謂中

是以有禮義動作威儀之則以定命也能者養以之福不能者敗以取禍

師古曰之往也能養生者則定禮義威儀

自致於福不能者則喪之以取禍亂

是故君子勤禮小人盡力勤禮莫如致敬盡力莫如惇篤敬在養神篤在守業國之大

事在祀與戎祀有執勝戎有受賑

應劭曰勝祭肉也師古曰勝音扶元反

神之犬節也

師古曰交

今成子情棄其命矣其不

反辱五月成肅公卒成公十四年衛定公享苦成叔甯惠子相

師古曰定公名臧苦成叔晉大夫卻曄也晉使卻曄如衛故定公享之惠子衛大夫

甯殖也相謂

苦成叔敖

師古曰敖讀曰

甯子曰苦成家其亡厚古之為享食也以親威儀省醜福也

師古

故詩曰兕觥其觶旨酒思柔匪傲匪傲萬福來求

張晏曰兕觥爵也飲酒和柔無失禮可謂爵也師古曰

古曰小雅桑扈之詩也傲謂傲幸也萬福言其多也謂飲酒者不傲幸不傲慢則福祿就而求之也

今夫子傲取斲之道也後三年苦成家亡

曰十七年晉攻郤氏長魚矯以戈殺郤鎡郤犇郤至而滅其家

襄公七年衛孫文子聘于魯君登亦登

師古曰文子衛大夫孫林父也禮之登階臣後君一等

叔孫

穆子相

師古曰穆子叔孫豹

趨進曰諸侯之會寡君未嘗後衛君今吾子不後寡君寡君未知所過吾子其少安

曰安

孫子亡辭亦亡悛容

師古曰悛改也音千全反

穆子曰孫子必亡爲臣而君過而不悛亡之本也十四年孫子逐

其君而外叛

師古曰逐其君謂衛獻公出奔齊也外叛謂以戚叛之

襄公二十八年蔡景侯歸自晉入于鄭

師古曰景侯名鄭文侯之子也

之不敬子產曰蔡君其不免辱

師古曰言不免於禍

日其過此也君使子展往勞于東門而敖

師古曰日謂往日始適晉之時也子展鄭

大夫公孫舍之

吾曰猶將更之

師古曰更改也

今還受享而情迺其心也

師古曰言心之所常行也

君小國事大國

師古曰言身爲小國之君而事于大

國而情傲以爲己心將得死辱君若不免必由其子淫而不父

師古曰通太子之妻

如是者必有子既三十年爲世

子般所殺

師古曰般讀與班同

襄公三十一年公薨季武子將立公子稠

師古曰稠襄公之子齊歸所生稠音直留反

穆叔曰是人也居

喪而不哀在戚而有嘉容是謂不度不度之人鮮不爲患

師古曰穆叔卽叔孫穆子也不度不遵禮度也

若果立必爲季氏憂武

子弗聽卒立之比及葬三易衰衰衽如故衰

師古曰衽前曰衽言游戲無已也此音必寐反衰音千回反衽音人禁反

是爲昭公立二十五年

聽讒攻季氏兵敗出奔死于外

師古曰謂薨于乾侯

襄公三十一年衛北宮文子見楚令尹圍之儀

師古曰北宮文子衛大夫也名

佗令尹圍卽公子圍楚恭王之子也

言於衛侯曰令尹似君矣將有它志

師古曰謂有爲君之心言語視瞻非其常

弗能終也公曰子何以知之對曰詩云敬慎威儀惟民之則

師古曰大雅抑之詩也則法也言君能慎其威儀乃臣下所法效之

令尹無威

儀民無則焉民所不則以在民上不可以終

師古曰遂以殺君篡國而取敗於乾谿也

昭公十一年夏周單子會于戚師古曰單子周

大夫單成公也戚衛地

視下言徐

應劭曰視下視不登帶言徐不聞於表著

晉叔向曰單子其死辱

師古曰叔向晉大夫羊舌肸也向音許兩反

朝有著定古

曰朝內列位有定處所謂表著者也著音直庶反又音除

會有表師古曰會於野設表以爲位

衣有綯帶有結

師古曰綯領之交會也結紳帶之結也綯音工外反

會朝之言

必聞于表著之位所以昭事序也視不過結綯之中所以道容貌也

師古曰道讀曰導其下並同

言以命之容貌以明

之失則有闕令單子爲王官伯

師古曰伯長也

而命事於會視不登帶言不過步貌不道容而言不昭矣不道不

恭不昭不從無守氣矣

師古曰貌正曰恭言正曰從

十二月單成公卒昭公二十一年三月葬蔡平公蔡太子朱失位

位在卑

師古曰不在正嫡之位而以長幼序之

魯大夫送葬者歸告昭子

師古曰昭子叔孫昭

昭子歎曰蔡其亡辱若不亡是君也必

不終詩曰不解於位民之攸堅

師古曰大雅假樂之詩也堅息也言在上者能率位不怠則其臣下特以安息也解讀曰懈堅音許既反

今始卽位而適卑身

將從之十月蔡侯朱出奔楚晉魏舒合諸侯之大夫于翟泉

應劭曰水名今洛陽是也師古曰魏舒晉卿魏獻子也事在定公元年志不書者蓋闕文

將以城成周魏子泄政

師古曰謂代天子大夫爲政以臨其事也

衛彪傒曰將建天子而易位以令非誼也

師古曰僕衛大夫建天子謂立天子

之居也

大事奸誼必有大咎

師古曰奸犯也音干

晉不失諸侯魏子其不免辱是行也魏獻子屬役於韓簡子

師古曰簡

子亦晉卿韓不信以城周之功役委簡子也

而田於大陸焚焉而死

師古曰高平曰陸因放火田獵而見燒殺也

定公十五年邾隱公朝於魯執玉

高其容仰公受玉卑其容俯

師古曰隱公邾子益也玉謂朝者之費

子贛觀焉

師古曰子贛孔子弟子端木賜也贛音貢

曰以禮觀之二君者皆

有死亡焉夫禮死生存亡之體也將左右周旋進退俯仰於是庫取之朝祀喪戎於是庫觀之今正月相

朝而皆不度心已亡矣

師古曰不度不合法度

嘉事不體何以能久

師古曰嘉事嘉禮之事謂朝祀也不體不得身體之節

高仰驕也卑俯替

也師古曰替也應情也

驕近亂替近疾君爲主其先亡庫

師古曰是年五月定公薨哀公七年秋伐邾以邾子益來也

庶徵之恆雨劉歆以爲春

秋大雨也劉向以爲大水隱公九年三月癸酉大雨震電庚辰大雨雪

師古曰雨雪雨音于具反

大雨雨水也師古曰

于具反後類並同

震雷也劉歆以爲三月癸酉於歷數春分後一日始震電之時也當雨而不當大雨大雨常雨

之罰也於始震電八日之間而大雨雪常寒之罰也劉向以爲周三月今正月也當雨水雪雜雨雷電未

可以發也既已發也則雪不當復降皆失節故謂之異於易雷以二月出其卦曰豫

師古曰坤下震上也

言萬物隨

雷出地皆逸豫也以八月入其卦曰歸妹

師古曰兌下震上也

言雷復歸入地則孕毓根核保藏蟄蟲

師古曰毓字與育同核亦

莖字也草根曰莖音該

避盛陰之害出地則養長華實發揚隱伏宣盛陽之德入能除害出能興利人君之象也是

時隱以弟桓幼入而攝立公子翬見隱居位已久勸之遂立

師古曰公子翬魯大夫羽父也勸殺桓公已求爲太宰翬音揮

隱既不許翬

懼而易其辭

師古曰反謂桓公云隱欲殺之

遂與桓共殺隱天見其將然故正月大雨水而雷電是陽不閉陰出涉危難

而害萬物天戒若曰爲君失時賊弟佞臣將作亂矣後八日大雨雪陰見間隱而勝陽篡殺之旤將成也

公不寤後二年而殺昭帝始元元年七月大雨水自七月至十月成帝建始三年秋大雨三十餘日四年

九月大雨十餘日左氏傳愍公二年晉獻公使太子申生帥師

師古曰以伐公衣之偏衣佩之金珰師古曰偏

衣謂左右異色其半象公之服

也金珠以金爲珠也半環曰珠

狐突歎曰時事之徵也衣身之章也佩衷之旗也

師古曰狐突晉大夫伯
行時爲太子御戎也徵

以明貴賤佩所以表中心

故敬其事則命以始師古曰賞以春夏

服其身則衣之純師古壹其

用其衷則佩之度古師

曰佩玉者君子之常度○劉奉世曰欲表其衷則當佩之使合法度世子佩瑜玉而綦組綬

今命以時卒闕其事也

師古曰卒盡也闕閉也謂十二月盡時也

衣以尅服遠

其躬也師古曰龍雜色也謂偏衣也遠音于萬反其下並同

佩以金玦棄其衷也服以遠之時以闕之尤涼冬殺金寒玦離胡可恃

也師古曰涼薄也虜色不能純故曰薄也冬主殺氣金行在西是謂之寒孰形半缺故云離

梁餘子養曰帥師者受命于廟受贖於社有常服矣師古曰梁

餘子養晉大夫也時爲下
軍御軍之常服則韋弁

弗獲而虜命可知也死而不孝不如逃之罕夷曰虜奇無常金玦不復君有心

應劭曰奇奇怪非常意復反也金珠猶決去不反意也師古曰罕夷晉大夫時爲下軍卿也有心害太子之心也復晉扶目反矣

後四年申生以讒自殺近服妖也左氏

傳曰鄧子臧好聚鵠冠

張晏曰鵠鳥赤足黃文以其毛飾冠韋昭曰鵠今鶚鳥也師古曰子臧鄭文公子也鵠大鳥卽戰國策所云啄蚌者也天之將雨鵠則知之鶚鳥自有鵠名而此飾

冠非翠鳥也逸周書曰知天文者冠鵠冠蓋以鵠鳥知天時故也禮圖謂之衛氏冠鵠音聿又音術

鄭文公惡之使盜殺之師古曰時已得罪出奔宋故使盜殺之於陳宋之間劉向

以爲近服妖者也一曰非獨爲子臧之身亦文公之戒也初文公不禮晉文

師古曰晉文公之爲公子也
避驪姬之難而出奔欲之楚

過鄭鄭
不禮焉

又犯天子命而伐滑

師古曰僖二十四年鄭公子士洩及堵兪彌帥師伐滑王使伯服游孫伯如鄭請滑鄭伯不聽而執二王

不尊尊敬上其後晉文

伐鄭幾亡國

師古曰儻三十年晉侯秦伯圍鄭佚之狐曰國危矣使觸之貳見秦伯師乃退也

昭帝時昌邑王賀遣中大夫之長安多治仄注冠

應劭曰今法冠是也李奇曰一曰高山冠本齊冠也謂者服之師古曰原古卿字也以賜大臣又以冠之側注者言形側立而下注也蔡邕云高九寸鑲爲卷非法冠及高山也卷管去權反

奴劉向以爲近服妖也時王賀狂悖聞天子不豫師古曰言有疾不悅豫也弋獵馳騁如故與駟奴宰人

游居娛戲驕慢不敬師古曰驕底御也宰人主膳者也娛樂也戲音僖冠者尊服奴者賤人賀無故好作非常之冠暴尊象也以

冠奴者當自至尊墜至賤也其後帝崩無子漢本臣徵賀爲嗣卽位狂悖無道縛戮諫者夏侯勝等於是

大臣白皇太后廢賀爲庶人賀爲王時又見大白狗冠方山冠而無尾鄧展曰方山冠以五采黼爲之樂舞人所服此服妖亦

犬獸也賀以問郎中令龔遂遂曰此天戒言在仄者盡冠狗也師古曰言王左右侍側之人不識禮義若狗而著冠者耳冠音工喚反其下亦同

去之則存不去則亡矣賀既廢數年宣帝封之爲列侯復有暴死不得置後又犬獸無尾之效也京房易

傳曰行不順厥咎人奴冠天下亂辟無適如淳曰辟君也適適子也妾子拜如淳曰無適子故也又曰君不正臣欲篡厥妖狗冠

出朝門成帝鴻嘉永始之間好爲微行出游選從期門郎有材力者及私奴客多至十餘少五六人皆白

衣祖幘師古曰祖幘不加上冠帶持刀劍或乘小車御者在茵上蘇林曰茵車上蓐也御者錯亂更在茵上坐也師古曰車小故御者不得迴避而在天子茵上也

或皆騎出入市里郊壅遠至旁縣時大臣車騎將軍王音及劉向等數以切諫谷永曰易稱得臣無家師古

曰損卦上言王者臣天下無私家也今陛下棄萬乘之至貴樂家人之賤事厭高美之尊稱好匹夫之卑

字如淳曰稱張放家人是爲卑字崇聚票輕無誼之人以爲私客師古曰票音匹妙反又音頻妙反置私田於民間畜私

字師古曰爲微行故變易姓名崇聚票輕無誼之人以爲私客師古曰票音匹妙反又音頻妙反置私田於民間畜私

乾隆四年校刊 前漢書卷二十七中之上五行志 五

奴車馬於北宮斃去南面之尊離深宮之固挺身獨與小人晨夜相隨

師古曰鳥集醉飽吏民之家曰乍

合乍離如鳥之集

亂服共坐溷者亡別

師古曰溷者謂雞亂也溷音胡困反

閑勉遞樂晝夜在路

師古曰閑勉猶勉言不息也遞樂言流遞爲樂也典門戶

奉宿衛之臣執干戈守空宮公卿百寮不知陛下所在積數年矣昔號公爲無道有神降曰賜爾土田

師古曰春秋左氏傳莊公三十二年有神降于莘號公使祝應宗區史闢享焉神賜之土田史闢曰號其亡乎言將以庶人受土田也諸侯夢得土田爲失國祥

曰僖五年晉滅虢號公醜奔京師

而況王者畜私田財物爲庶人之事乎左氏傳曰周景王時大夫賓起見雄雞自斷其

尾師古曰賓起卽賓孟劉向以爲近雞旣也是時王有愛子子鼂王與賓起陰謀欲立之師古曰子鼂田于北山將

因兵衆殺適子之黨

師古曰適讀曰嫡嫡子王子猛及後爲悼王子猛之黨謂劉獻公單穆公

未及而崩三子爭國王室大亂其後賓起誅死

師古曰三子謂子鼂子猛及子猛弟敬王丐也劉子遂攻賓起殺之事並在昭二十二年

子鼂奔楚而敗

師古曰昭二十六年鄆伯盈逐王子鼂子鼂奔楚定公五年王人殺之于楚京房

易傳曰有始無終厥妖雄雞自齧斷其尾宣帝黃龍元年未央殿輅轡中雌雞化爲雄孟康曰輅轡名也師古曰百官表

太僕屬官有輅轡丞

毛衣變化而不鳴不將無距

師古曰將謂率領其羣也距雞附足骨圖時所用刺之

元帝初元中丞相府史家

雌雞伏子漸化爲雄

師古曰初尙伏子後乃稍稍化爲雄也伏音房富反

冠距鳴將永光中有獻雄雞生角者京房易傳曰雞知時

知時者當死房以爲已知時恐當之劉向以爲房失雞占雞者小畜主司時起居人

師古曰至時而鳴小以爲人起居之節

臣執事爲政之象也言小臣將秉君威以害正事猶石顯也竟寧元年石顯伏辜此其效也一曰石顯何

是以當此昔武王伐殷至于牧野誓師曰古人有言曰牝雞無晨牝雞之晨惟家之索今殷王紂惟婦言

用師古曰周書牧誓之辭晨謂晨時鳴也索盡也繇是論之黃龍初元永光雞變遇國家之占妃后象也

孝元王皇后以甘露二年生男立為太子妃王禁女也黃龍元年宣帝崩太子立是為元帝王姬將為皇

后故是歲未央殿中雌雞為雄明其占在正宮也不鳴不將無距賁始萌而尊未成也至元帝初元元年

將立王皇后先以為婕妤三月癸卯制書曰其封婕妤父丞相少史王禁為陽平侯位特進丙午立王婕

妤為皇后明年正月立皇后子為太子故應是丞相府史家雌雞為雄其占即丞相少史之女也伏子者

明已有子也冠距鳴將者尊已成也永光二年陽平頃侯禁薨子鳳嗣侯為侍中衛尉元帝崩皇太子立

是為成帝尊皇后為皇太后以后弟鳳為大司馬大將軍領尚書事上委政無所與師古曰與讀曰像言政皆出鳳天子不像

王氏之權自鳳起故於鳳始受爵位時雄雞有角明親作威師古曰視讀曰示顯君害上師古曰顯與專同其下類此危國者

從此人始也其後羣弟世權以至於莽遂篡天下即位五年王太后薨此其效也京房易傳曰賢者居

明夷之世知時而傷師古曰易之明夷卦曰明入地中明夷夷傷也離下坤上言日在地中傷其明也知時謂知天時者也賢而被傷故取明夷之義或眾在位師古曰言虛僞

無實之人矯尊厥妖雞生角雞生角時主獨又曰婦人顯政國不靜牝雞雄鳴主不榮故房以為己亦在

占中矣成公七年正月驪鼠食郊牛角師古曰驪小鼠也即今所謂甘鼠者言奚改卜牛又食其角劉向以為近青祥亦牛翫

乾隆四年校刊 前漢書卷二十七中之上五行志 六

也不敬而備禘之所致也昔周公制禮樂成周道故成王命魯郊祀天地以尊周公至成公時三家始顯

政魯將從此衰天愍周公之德痛其將有敗亡之旤故於郊祭而見戒云鼠小蟲性盜竊又其小者也

牛大畜祭天尊物也角兵象在上君威也小小鼯鼠食至尊之牛角象季氏乃陪臣盜竊之人將執國命

以傷君威而害周公之祀也改卜牛鼯鼠又食其角天重語之也師古曰重音直用反成公怠慢昏亂遂君臣更執

于晉師古曰更互也十年秋公如晉晉人以公爲貳於楚故止公至十一年三月乃得歸十六年秋公會晉侯于沙隨晉受叔孫僑如之幣而止公是年九月又信僑如之幣執季孫行父舍之于若丘十二

月乃得歸故云君臣更執也更晉工衡反至于襄公晉爲潁梁之會師古曰襄十六年晉平公會諸侯于潁梁潁梁者潁水天

下大夫皆奪君政師古曰潁梁之會諸侯皆在而魯叔孫豹晉荀偃宋向戌衛甯殖鄭公孫蕘小邾之大夫盟是奪其君政也其後三家逐昭公卒死于外師古

曰已解幾絕周公之祀董仲舒以爲鼯鼠食郊牛皆養牲不謹也京房易傳曰祭天不慎厥妖鼯鼠禍郊

牛角定公十五年正月鼯鼠食郊牛牛死劉向以爲定公知季氏逐昭公舉惡如彼親用孔子爲夾谷之

會齊人俛歸鄆謹龜陰之田師古曰夾谷齊地也一名祝其定公十年公與齊侯會于夾谷齊侯欲使萊人以兵劫公孔子以公退命士衆兵之齊侯乃止又欲以盟要公孔子不欲

使茲無還以辭對又欲詐享公孔子又距而不受於是齊人乃服先是季氏之臣陽虎以鄆龜龜陰之田奔齊至此會乃以歸我鄆謹二邑名龜陰龜山之陰夾音煩謹音謹聖德如此反用季

桓子淫於女樂而退孔子無道甚矣師古曰桓子季平子之子季孫斯也女樂已解于上詩曰人而亡儀不死何爲師古曰衛詩相鼠之篇也亡儀

無禮也是歲五月定公薨牛死之應也京房易傳曰子不子鼠食其郊牛哀公元年正月鼯鼠食郊牛劉向

以爲天意汲汲於用聖人逐三家故復見戒也哀公年少不親見昭公之事故見敗亡之異已而哀不寤

身奔於粵此其效也

師古曰哀二十七年公終以越伐魯而去三桓公如公孫有山氏因遜于邾遂如越國人施罪於公孫有山氏而立哀公之子悼公昭帝元鳳元年九

月燕有黃鼠銜其尾舞王宮端門中

師古曰宮之正門

王往視之鼠舞如故王使吏以酒脯祠鼠舞不休一日一

夜死近黃祥時燕刺王旦謀反將死之象也其月發覺伏辜京房易傳曰誅不原情厥妖鼠舞門

師古曰不原情

者不得其本情

成帝建始四年九月長安城南有鼠銜黃蒿柏葉上民家栢及榆樹上爲巢桐栢尤多

師古曰桐栢本亭名

簡思后於其地葬也

巢中無子皆有乾鼠矢數十時議臣以爲恐有水災鼠盜竊小蟲夜出畫匱今畫去穴而登木

象賤人將屠嬖貴之位也桐栢衛思后園所在也其後趙皇后自微賤登至尊與衛后同類趙后終無子

而爲害明年有薦焚巢殺子之異也天象仍見甚可畏也一曰皆王莽竊位之象云京房易傳曰臣私祿

罔辟

李奇曰辟君也擅私雷祿誣罔其君

厥妖鼠巢文公十三年太室屋壞近金沚木木動也先是冬釐公薨十六月廼作

主

師古曰主廟主也僖公二十三年十二月葬至文二年二月廼作主間有一閭故十六月也

後六月又吉禘於太廟而致釐公

師古曰禘祭也一一而祭之文二年八月

禘距作主六月也我謂升其主於廟

春秋譏之經曰大事於太廟躋釐公

師古曰躋音子奚反又音子詣反

左氏說曰太廟周公之廟嚳

有禮義者也祀國之大事也惡其亂國之大事於太廟故言大事也躋登也登釐公於愍公上逆祀也釐

雖愍之庶兄嘗爲愍臣臣子一例不得在愍上又未三年而吉禘前後亂賢父聖祖之大禮內爲親不恭

而狂外爲言不從而僭故是歲自十二月不雨至于秋七月後年若是者三而太室屋壞矣前堂曰太廟

中央曰太室屋其上重屋尊高者也象魯自是陵夷將墮周公之祀也

師古曰墮毀也魯公羊經曰世室也音火規反

魯公伯禽之廟也周公稱太廟魯公稱世室大事者禘祭也

師古曰禘合也毀廟及未毀廟之主皆合祭於太祖

躋釐公者先禘後

祖也景帝三年十二月吳二城門自傾大船自覆劉向以爲近金沚木動也先是吳王濞以太子死於

漢稱疾不朝陰與楚王戊謀爲逆亂城猶國也其一門名曰楚門一門曰魚門吳地以船爲家以魚爲食

天戒若曰與楚所謀傾國覆家吳王不寤正月與楚俱起兵身死國亡京房易傳曰上下咸諄厥妖城門

壞

師古曰諄諄也音布內反

宣帝時大司馬霍禹所居第門自壞時禹內不順外不敬見戒不改卒受滅亡之誅哀帝

時大司馬董賢第門自壞時賢以私愛居大位賞賜無度驕嫚不敬大失臣道見戒不改後賢夫妻自殺

家徙合浦

傳曰言之不從是謂不艾厥咎僭厥罰恆陽厥極憂時則有詩妖時則有介蟲之孽時則有犬獸時則有

口舌之病時則有白眚白祥惟木沴金言之不從從順也是謂不父父治也孔子曰君子居其室出其言

不善則千里之外違之況其邇者乎

師古曰易上繫之辭也邇近也

詩云如蜩如螗如沸如羹

師古曰大雅蕩之詩也蜩螗也蜩蟬也即蚋蟪也謂

敗無文理虛言噂沓如蜩蟬之鳴湯之沸消羹之將孰言上號令不順民心虛譁憤亂則不能治海內失也蜩音調蟬音唐蜩音假蚋音貂蟪音聊消音下館反

在過差故其咎僭僭差也刑罰妄加羣陰不附則陽氣勝故其罰常陽也旱傷百穀則有寇難上下俱憂

故其極憂也君炕陽而暴虐

師古曰凡言炕陽者枯涸之意謂無惠澤於下也炕音口浪反

臣畏刑而柑口

師古曰柑爾也音其廉反細音女涉反

則怨謗

之氣發於謠謠故有詩妖介蟲孽者謂小蟲有甲飛揚之類陽氣所生也於春秋爲蟲今謂之蝗皆其類

也於易兌爲口犬以吠守而不可信言氣毀故有犬旤一曰旱歲犬多狂死及爲怪亦是也及人則多病

口喉欬者故有口舌痾金色白故有白眚白祥凡言傷者病金氣金氣病則木沴之其極憂者順之其福

曰康寧劉歆言傳曰時有毛蟲之孽說以爲於天文西方參爲虎星故爲毛蟲史記周單襄公與晉卻鞫

卻犂卻至齊國佐語

師古曰單襄公解已在前卻犂駒伯也卻犂苦成叔也卻至昭子即溫季也國佐齊國武子也

告魯成公曰晉將有亂三卻其當之

摩夫卻氏晉之寵人也二卿而五大夫可以戒懼矣高位實疾顛厚味實腊毒

師古曰顛仆也腊久也音位高者必速顛仆也味厚

者爲

今卻伯之語犯叔迂季伐

師古曰伯駒伯也叔苦成叔也季溫季也犯侵也迂夸誣也伐矜尙也

犯則陵人迂則誣人伐則掩人有是

寵也而益之以三怨其誰能忍之雖齊國子亦將與焉立於淫亂之國而好盡言以招人過

蘇林曰招音智招衆也師

古曰盡言猶極言也

怨之本也唯善人能受盡言齊其有摩

師古曰言無善人不能受盡言

十七年晉殺三卻十八年齊殺國佐凡

此屬皆言不從之咎云晉穆侯以條之役生太子名之曰仇

師古曰君侯僖侯之孫也條晉地也蓋以敵來侵已當戰時而生故取仇忿之義以名子

其弟以千晦之戰生名之曰成師

師古曰太子之弟即桓叔也曷古敵字也千晦亦地名意取能成其師衆也

師服曰異哉君之名子也

師古

服晉大夫夫名以制誼誼以出禮師古曰先制義理然後立名義理既定禮由之出禮以體政政以正民師古曰政以禮成俗所以正是以政成而

民聽易則生亂師古曰反易禮義則亂生也嘉耦曰妃怨耦曰仇師古曰本自古昔而有此名今君名太子曰仇弟曰成

師始兆亂矣兄其替序師古曰替廢也及仇嗣立是為文侯文侯卒子昭侯立封成師于曲沃號桓叔師古曰昭侯國亂身

危不能自安故封成師為曲沃伯也桓說也昭侯叔父故謂之叔也後晉人殺昭侯而納桓叔不克復立昭侯子孝侯桓叔子嚴伯殺之晉

人立其弟鄂侯鄂侯生哀侯嚴伯子武公復殺哀侯及其弟滅之而代有晉國師古曰武始并晉國故稱公也事在桓三年宣

公六年鄭公子曼滿與王子伯廖語欲為卿師古曰曼滿伯廖皆鄭大夫也廖晉卿伯廖告人曰無德而貪其在周易蠱之

離張晏曰離下震上豐上六變離而之離曰豐其屋蔀其家也弗過之矣師古曰言無道德而大其屋不過三歲必滅亡也問一歲鄉人殺之師古曰問一歲喪者中間隔一歲喪

公二十九年齊高子容與宋司徒見晉知伯汝齊相禮師古曰高子容齊大夫高止也宋司徒華定知伯晉大夫荀盈也汝齊晉大夫司馬侯也賓出

汝齊語知伯曰二子皆將不免子容專司徒侈皆亡家之主也師古曰專自是也侈奢泰專則速及侈將以其力敝專

則人實敝之將及矣九月高子出奔燕襄公三十一年正月魯穆叔會晉歸告孟孝伯曰趙孟將死矣師古曰

曰穆叔即叔孫穆子也孟孝伯魯大夫仲孫羯也趙孟晉卿趙文子也名武前年十月穆叔與武同會澶泉至此年正月乃歸其語偷不似民主師古曰偷苟且且年未盈五十

而諄諄焉如八九十者弗能久矣師古曰諄諄重頓之貌也晉之闕反若趙孟死為政者其韓子康師古曰韓子韓宣子也名起吾子盍

與季孫晉之可以樹晉君子也師古曰季孫謂季武子也名宿言韓起有君子之德方執晉政可素厚之以立善也孝伯曰民生幾何誰能毋偷師古曰